

quam conditio dicenda. Sed de urbis origine hætenus.

Nunc quia in dubium venire potest, unde recentiores Veneti sint orti, paucis expediam, ad quos mortalium primordia gentis sint referenda. Certo scio, si quis id quærat, quam plurimos, immo fere omnes, ad Paphlagonas Hænetos, qui cum Antenore venerunt, decursuros, secutos videlicet ipsum nomen: sed si quis rem altius inspexerit, procul dubio inveniet, parvam omnino originis partem ad illos attinere. Trojanus fuit Antenor, unde Patavini sunt Trojani, & qui eum secuti, ac longe plures quam Hæneti: qui ubi in Italiam ventum est, passi sunt in appellationem Hænetorum venire, non quod aut pauciores essent quam illi, aut dignitate inferiores: sed quia speciosius visum est, fastigium regie dignitatis penes Antenorem, & reliquos deinceps suos esse, quam nominis appellationem, pluris rem ipsam, quam umbram nominis facientes. Quod & ii qui in Latium cum Ænea venerunt victores, in quos vicissent, nomen transcribi facile tulere. Aquilejenses ad hæc Latini fuerunt coloni, Concordienses Romani: hi priscis Venetis interjecti Gradum Caprulasque tenuere, quum Hunnico tumultu solum verterunt: utrinque procedente tempore in urbem quæ nunc est, migratum esse manifeste constat. Quod quum ita sit, ab Roma, Latio, Ilioque Venetam progeniem verius, quam ex Paphlagonia aut Gallia oriundam dixeris. Et hæc quam pressius potuimus, de gentis origine & vetustate.

*Origo Venetorum recentiorum.*

Nunc autem quis status, quive novæ civitatis mores ab initio fuerint, quæ parsimonia, quæ religio, dicam, si prius illud restatum reliquero, fuisse e numero scriptorum quosdam, qui originem urbis ad annum salutis quinquagesimum sextum supra quadringentesimum rejiciant, estque in illis Forliviensis Blundus, secutus & ipse eorum opinionem, qui post everfam Aquilejam urbem ædificari cœpisse arbitrati sunt: sed quam aperte decipiantur, vel ex eo intelligi potest, quod sexto ante anno, qui quinquagesimus supra quadringentesimum ab Christi incarnatione fuit, Aquileja, ut quidam tradiderunt, ab Hunno cœpit obsidione premi: ajuntque eam obsidionem in tertium annum, non amplius dif-

*Infantia civitatis Veneta.*

450